



(國二) L3 思念火金姑      班級      座號      姓名：

我對火金姑會佇烏暗中發光，一直足好奇。舊年，阮規家伙仔就去參加一個號做「走揣 火金姑」的活動。

我心內想講，四月油桐花當大開，這陣日時有白色的油桐花通欣賞，暗時閣會使佇火金姑閃爍的樹林，觀賞無全款的景緻，會使講「一空掠雙隻」，趁著矣！

這工阮食飽晝才對大甲出發，一下到東勢，沿路就看著油桐花落甲規塗跤，敢若咧落雪。彼油桐花真嬌，真毋甘共踏著。阮就閃來閃去、跳來跳去，袂輸咧跳舞全欸，實在有夠心適。

天欲暗進前，阮趕緊食暗。阮愛冗早來去樹林，等候下昏暗的主角——火金姑。解說人員共阮講：「因為咱的環境受損蕩，有真濟年攞揣無火金姑的影跡，尾仔靠生態保育人員的拍拚，才有這陣滿山的火金姑。四、五月仔是火金姑飛出來活動的季節，公的佻母的攞會發光，毋過母的的光度較無遐光。無仝的火金姑，爍咧爍咧的節奏嘛無仝，按呢佇暗眠摸 的草仔埔，就知影互相的身份。佇暗暝爍咧爍咧的大部份是公的，母的就歇佇葉仔頂，發出較無遐光的訊號。若是公的發現仝種的母的所發出來的訊號，就會飛過去。」

阮順溝仔墘行，四箍輾轉的火金姑親像是咧跳舞的鼓仔燈，浮浮沉沉。我真懷疑，人講的燐燐爌，敢是按呢？這個時陣，雄雄千千萬萬的火金姑，浮佇阮目睷前，予人想袂到，予人掣一挑，感覺若像咧眠夢全款。

又閣是火金姑鴈鴈飛的季節，這場盛會，今年我欲哪會使綴無著陣咧！

[illegible]

